

DOBRO

Udruženje altruista "DOBRO"

Bjelave 14 • www.dobro.ba • info@dobro.ba • +387 62 621 524

O UDRUŽENJU

Sve je krenulo od aktivnosti jednog diplomate i grupe studenata koji su željeli da pomognu marginaliziranim grupama u Bosni i Hercegovni (osobama sa posebnim potrebama, djeci bez roditeljskog staranja, starim i iznemoglim...) da postanu jednako cijenjen dio bh društva kao i njihovi nešto sretniji sugrađani. Vremenom se aktivnost pretvorila u Udruženje za "sve".

Vođeni motom **"I najmanji trud s naše strane može napraviti veliki uticaj na život drugih ljudi"** otvorili smo vrata apsolutno svima koji žele podrškom i aktivnostima da se uključe u naš rad. Tako smo od učenika srednjih škola, studenata, zaposlenih u državnim institucijama, direktora privatnih kompanija, zaposlenih u međunarodnim organizacijama, ambasadama, pa do "običnih" građana naišli na svesrdnu podršku i poticaj za dalje projekte i aktivnosti.

Svako se u svom domenu i na svoj način uključio i pružio svoj doprinos u misiji uljepšavanja svakodnevnice barem na jedan dan.

NAŠA MISIJA

Naša misija je stvaranje prostora gdje će se susresti oni koji žele i mogu pomoći i oni kojima je ta pomoć najpotrebnija.

Omogućiti svima kojima je pomoć potrebna da se predstave na jednom mjestu, čime olakšavamo donatorima kao i svima zainteresovanim za naš rad da dođu do informacija o tome kako i gdje pomoći.


Mnogi ljudi dobre volje i mnoge kompanije zaista žele pružiti pomoć. Međutim, nedostatak transparentne i cjelovite informacije o mogućnostima kako i gdje pomoći, često obeshrabruje potencijalne dobročinitelje.

KAKO POMOĆI?

Naš moto je da svako može na svoj način dati doprinos i uljepšati nekome život. Cilj našeg Udruženja je da povežemo one koji žele i mogu da pomognu, i one kojima je pomoć najpotrebnija.

Postoji više načina kako se **VI MOŽETE UKLJUČITI!**

1. Izaberete jedan od apela za pomoć objavljenih na našoj stranici, i samoinicijativno pomognete toj osobi/porodici.
2. Obratite se nama, i kažete na koji način želite da pomognete (da posjetite neku staru nanu, dedu, da date novac, kupite hranu, date odjeću...), a mi ćemo vas onda uputiti i pomoći vam da to uradite.
3. Dajte ideju za akciju koju ćemo onda zajedno organizovati i pomoći nekome.
4. Dati informacije o onima kojima je pomoć potrebna
5. Javiti nam se kako bi vas stavili na našu mailing listu i obavještavali o našim akcijama u koje se i vi možete uključiti
6. Pomozite rad Udruženja tako što ćete postati član (polugodišnja članarina iznosi 15KM ili 10E za uplate iz inostranstva)
7. naš račun za novčane uplate:



DOBRO

Udruga altruista "DOBRO"

Bjelave 14 • www.dobro.ba • info@dobro.ba • +387 62 621 524

Za uplate u KM valuti:

Raiffeisen banka
Broj računa: 1610000055480034

Za uplate u stranoj valuti:

Raiffeisen Bank dd BiH
IBAN: BA391610600002202657
SWIFT: RZBABA2S
Ili direktno preko naše stranice
www.dobro.ba koristeći moneybookers.

Aktuelne akcije :

Jedno DOBRO, stotinu ruku, hiljade sitih!

Udruga altruista 'DOBRO' organizira humanitarnu akciju prikupljanja pomoći za osobe u stanju socijalne potrebe sa područja Kantona Sarajevo prvi vikend u mjesecu, u tržnim centrima u Sarajevu. Lokacije u kojima se akcija izvodi objavljujemo početkom mjeseca, jer se one često mijenjaju. Ovim putem se zahvaljujemo svim centrima koji su se odazvali našem pozivu. Pored Sarajeva, akcija se periodično održava i u Visokom, Maglaju, Zenici, Istočnom Sarajevu i Tuzli.

Cilj: cilj akcije je prikupljanje osnovnih životnih namirnica koje će posjetioci tržnih centara ostavljati u humanitarne korpe, a koje će isti dan (ili u narednih par dana) biti dostavljene onima kojima je to najpotrebnije. Dugoročni cilj nam je da se sa svakom akcijom poveća broj korpi prikupljene pomoći jer to znači uključene većeg broja porodica.

Korisnici: Korisnici ove akcije su porodice u stanju socijalne potrebe kojima Udruga i inače pomaže, kao i porodice koje prijave građani. Stanje svake porodice se provjeri prije uvrštavanja na stalni spisak za akcije.

Brojke: Broj porodica koje obezbjeđujemo mjesečno u Sarajevu iznosi oko 60. U ostalim gradovima, akcija se održava svakih par mjeseci, zbog kupovne moći građana, a obezbijedi se sljedeći broj porodica (okvirno): Visoko - 16, Maglaj - 11, Zenica - 35 porodica, Istočno Sarajevo - 32 porodice.

Noć dobrih ljudi

Hacienda i Baghdad Cafe realiziraju navedeni projekat u saradnji sa Udrugom altruista Dobro. Održava se jednom mjesečno, četvrtkom u Hacijendi.

Cilj: Ukupan prihod večeri od pića, hrane i simboličnog ulaza 2 KM donira se u dobrotvorne svrhe.

Korisnici: Neko bolesno dijete koje treba novac za liječenje ili redovne terapije ili porodica u stanju socijalne potrebe, a koje možete naći na stranici Udruženja.

Brojke: Na ovom događaju se skupi između 1 500 i 3 000 KM.



DOBRO

Udruženje altruista "DOBRO"

Bjelave 14 • www.dobro.ba • info@dobro.ba • +387 62 621 524

Druženje s dobrim povodom

Druženje se organizira u jednom od sarajevskih kafića u kojima se ne toči alkohol, uz prigodan program i goste.

Cilj: Dio prihoda večeri od pića, simboličnog ulaza od 5 KM, kao i dobrovoljnih priloga donira se u dobrotvorne svrhe.

Korisnici: Neko bolesno dijete koje treba novac za liječenje ili redovne terapije ili porodica u stanju socijalne potrebe, a koje možete naći na stranici Udruženja.

Brojke: Na ovom događaju se skupi između 500 i 1 500 KM.

Dobar.PC

Udruženje altruista „DOBRO“ organizuje akciju pod nazivom „Dobar.PC“ koja ima za cilj da pokušamo doći do trenutka kada će svaki dom imati i jedan „dobar“ računar kao što nam je normalno da svaki dom danas ima svoj TV, DVD, telefon, mobitel i sl. Stvar je percepcije, ono što je nekom zastario računar ukoliko ima noviji i bolji onom koji nikad nije imao svoj računar to može biti sasvim „Dobar.PC“, odnosno dovoljno dobar prvi računar.

Cilj: Želimo pomoći djeci iz socijalno ugroženih porodica sa područja čitave Bosne i Hercegovine i ponuditi i njima mogućnost da se opismene u radu na računaru, na svom ličnom računaru. Želimo im dati priliku da se međusobno druže, da nauče mnogo toga novog i da ih tako pokušamo odvojiti od ulice.


Korisnici: Djeca iz socijalno ugroženih porodica sa područja čitave BiH

Brojke: Akcija je tek počela, pa brojke obradovane djece tek očekujemo

Paketići za SVE

Udruženje altruista „DOBRO“ pred kraj godine organizuje akciju pod nazivom „Paketići za SVE“. Građani u ovoj akciji pomažu obezbjeđivanjem slatkiša, igračaka, školskog pribora koji se pakuju u paketiće za najugroženiju djecu. I građani i pravna lica također mogu pomoći novčanim priložima uz pomoć kojih kupujemo materijal za paketiće. Uz pomoć volontera, svi paketići se pakuju za svaki uzrast i pol posebno, sa ljubavlju i pažnjom, sa željom da svako dijete uživa u svom paketiću.

Cilj: Akcija ima za cilj da barem na jedan dan usreći djecu iz socijalno ugroženih porodica sa područja čitave Bosne i Hercegovine.



DOBRO

Udruga altruista "DOBRO"

Bjelave 14 • www.dobro.ba • info@dobro.ba • +387 62 621 524

Korisnici: Djeca iz socijalno ugroženih porodica sa područja čitave BiH

Brojke: U prvoj akciji 2007. godine obradovano je oko 1 100 djece, a u drugoj akciji 2008. godine oko 1 700 djece. Djeca koja su dobila paketiće su ne samo iz Sarajeva, već iz čitave BiH: Olova, Ustikoline, Goražda, Tuzle, Visokog, Maglaja, Mostara, Visokog, Zavidovića, Travnika, Međeđe itd.

(više o akcijama na www.dobro.ba)

MI SMO TU...

Mi smo tu da pomognemo i jednim i drugima.

Mi smo tu da promijenimo pogled na svijet

Mi smo tu da pozovemo SVAKOG da učini nešto DOBRO

KONTAKT

- putem e-mail adrese: info@dobro.ba ;
- putem telefona: 062 621 524 (za pozive iz inostranstva: +387 62 621 524) ;
- putem web stranice Udruženja: <http://www.dobro.ba>.